



REPUBLIKA E SHQIPËRISË  
MINISTRIA E ARSIMIT DHE SHKENCËS  
MINISTRI

Nr. 4196  
Prot.

Tiranë, më 19.08.2013

URDHËR

Nr. 344, datë 19.08.2013

PËR  
NGRITJEN E NJËSISË SË SHËRBIMIT PSIKO-SOCIAL

Në mbështetje të nenit 102 të Kushtetutës së Republikës së Shqipërisë dhe të nenit 20 të ligjit nr. 69/2012, datë 21.06.2012, "Për sistemin arsimor parauniversitar në Republikën e Shqipërisë",

URDHËROJ:

1. Drejtoria Arsimore Rajonale (DAR)/Zyra Arsimore Rajonale (ZA) të organizojë ngritjen e Njesisë së Shërbimit Psiko-Social.
2. Shërbimi Psiko-Social (ShPS) vlerëson gjendjen psiko-sociale të nxënësve me probleme të nxënësve ose sjelljes dhe, në bashkëpunim me mësues e drejtues të institucioneve arsimore dhe prindërit, planifikon dhe realizon shërbime që ndihmojnë në zhvillimin arsimor, social dhe personal të nxënësve.
3. Numri i psikologëve dhe punonjësve socialë në Njësinë e ShPS është brenda numrit të punonjësve buxhetorë të miratuar me vendimin nr. 160, datë 13.02.2008 të Këshillit të Ministrave "Për caktimin e numrit të punonjësve për vitin 2008, në ministrinë dhe institucionet qendrore", për Ministrinë e Arsimit dhe Shkencës.
4. Numri i psikologëve dhe punonjësve socialë në një ShPS, për një DAR/ZA, përcaktohet nga numri i nxënësve në institucionet arsimore (kopshte, shkolla) në juridiksionin e DAR/ZA-së dhe normave të ShPS.
5. ShPS ofrohet sipas këtyre normave:
  - a. Në kopshtet dhe shkollat e arsimit bazë: Një psikolog dhe një punonjës social për 3000-3500 nxënës.

- b. Në shkollat e arsimit të mesëm të lartë: Një psikolog dhe një punonjës social për 2800 - 3500 nxënës.
  - c. Në shkollat me arsim fillor dhe arsimi të mesëm: Një psikolog dhe një punonjës social për 2500 - 3000 nxënës.
  - d. Në shkollat e arsimit special: Një psikolog dhe një punonjës social për 200 nxënës.
6. Psikologu/punonjës social ka formim fillestar dhe të thelluar si vijon:
- a. Psikologu: Diplomë universitare "Bachelor" në degën e Psikologjisë, si dhe studime Master Shkencor në Psikologjinë Shkollore ose "Psikologji Klinike" ose Master Profesional "Këshillim psikologjik" ose në drejtime të tjera të përafërta.
  - b. Psikologu: Vetëm diplomë universitare "Bachelor" në Psikologji. Psikologu duhet që, brenda 3 viteve nga data e fillimit të punës, të kryejë studime të thelluara në nivelin master shkencor ose profesional në degën e psikologjisë
  - c. Punonjësi Social: Diplomë universitare "Bachelor" në degën e Punës Sociale dhe studime Master Profesioanl në "Punë Sociale" ose "Çështje të Fëmijës dhe Familjes" ose në drejtime të tjera të përafërta.
  - d. Punonjësi social: Vetëm diplomë universitare "Bachelor" në Punë Sociale. Punonjësi social duhet që, brenda 3 viteve nga data e fillimit të punës të kryejë studime të thelluara në nivelin master shkencor apo profesional në degën e punës sociale.
7. Titullari i DAR/ZA-së emëron psikologun/punonjësi social në Njësinë e ShPS me konkurrim të hapur, sipas procedurave të emërimit të specialistëve të DAR/ZA-së.
8. Drejtuesi i Njësisë së ShPS është psikolog ose punonjës social dhe emërohet nga titullari i njësisë arsimore vendore pas propozimit të dy kandidatëve të përzgjedhur me votim të fshehtë nga specialistët (psikologët/punonjësit socialë) të Njësisë së ShPS.  
Në përshkrimin e punës së drejtuesit caktohet koha në rolin e drejtuesit dhe koha si psikolog ose punonjës social në institucionet arsimore publike.
9. Titullari i DAR/ZA-së, pas këshillimit me kryetarin e Njësisë së ShPS, cakton institucionet arsimore për çdo psikolog/punonjësit social të Njësisë.
10. Një psikolog/punonjës social mund të mbulojë një ose disa kopshte ose shkolla në varësi të numrit të nxënësve të këtyre institucioneve arsimore.
11. Njësia e ShPS ka në strukturën e saj suprevizorin e psikologëve/punonjësve socialë i cili ka për detyrë kryesore asistencën profesionale të tyre.

12. Njësia e ShPS, që ka më shumë se 30 psikologë/punonjës socialë ka një supervizor të psikologut dhe një supervizor të punonjësit social.  
Njësia e SHPS, që ka më pak se 30 psikologë/punonjës socialë, ka një supervizor të psikologut dhe punonjësit social.  
Në përshkrimin e punës së supervizorit caktohet koha në rolin e supervizorit dhe koha si psikolog ose punonjës social në institucionet arsimore publike.
13. Supervizori propozohet nga drejtuesi i ShPS dhe miratohet nga titullari i DAR/ZA-së.
14. Supervizori i psikologëve duhet të ketë një diplomë master në Psikologji dhe të paktën 5 vite punë si psikolog shkollor.  
Supervizori i punonjësve social duhet të ketë një diplomë mastar në Punë Sociale dhe të paktën 5 vite pune si punonjës social.  
Në njësitë e ShPS me më pak se 30 specialistë, supervizori duhet të ketë një diplomë master në Psikologji dhe të ketë të paktën 5 vite pune si psikolog shkollor.

Ngarkohen për zbatimin e këtij urdhri Sekretari i Përgjithshëm, Drejtorja e Përgjithshme e Arsimit Parauniversitar dhe Drejtoritë Arsimore Rajonale/Zyrat Arsimore.

Ky Urdhër hyn në fuqi pasi botohet në Fletoren Zyrtare.

MINISTËR  
  
MYQEREM TAFAJ  
